



آخماق جاناوار

بو احوالات آخشام اوستی اولموشدی. آج- یالاواج بیر جاناوار مئشه ایله گئده نده قاباغینا بیر اوزون قولاق چیخدی. جاناوار دئدی:

- هه، اوزون قولاق، من سحر دن یئمک آختاریردیم، الیمه یاخشی دوشموسن، ایندی سنی یئیه جگم.

اوزون قولاق دئدی:

- آی جاناوار قارداش، دئییه سن سن آخماقسان. سن هله بو وقته قده ر بیلیمیرسن کی، اوزون قولاقین اتینی آنجاق سحر لر یئمک اولار! گئجه یئسن، سنی زهرله ییب اولدورو. اتیمدن یئیب، اولمک ایسته میرسن سه، اوندا بوردا بیر آز گوزله، گئدیم سنین اوچون یوموشاق یورغان- دوشک گتیریم سحره کیمی راحت یات، سحر دوروب یئیه رسن. جاناوار دئدی:

- آی ساغ اول! سن لاپ آغیللی سوز دانیشیرسان. دور گئت یورغان- دوشک گتیر. تئز اول. من بورادا اوتوروب، سنی گوزلیرم.

اوزون قولاق آتیلا- آتیلا ائوینه قاچدی. بیرده اورایا قایتمادی. جاناوار گئجه نین یاریسینا قده ر اوزون قولاغی گوزله دی. جاناوار گوزلرینی اوزون قولاق گئده ن یولا زیلله ییب چوخ گوزله دیکدن سونرا باشا دوشدوکی، اوزون قولاق اونی آلدادیب. جاناوار برک غضب له ندی. آج- آجینا یولونا داوام ائتدی. اوز- اوزونه باغیردی و دئدی:

- قارشیم هرنه چیخسا، اونی دیری- دیری اوداجاغام!

جاناوار بوتون گئجه نی گزدی، دره لر گئچدی، تپه لر آشدی، سحره یاخین قاباغینا بیر گئچی چیخدی. جاناوار قیشقیردی:



- هه، گئچی، ایندی من سنی یئیه جگم.

گئچی یازیق- یازیق دیلله ندی:

- من سنین اختیاریندایم، آنجاق منیم اتیم چوخ دادسیز

دیر. اونی ساریمساق سیز، تورشی سیز یئمک اولماز! چوخ شیتدیر! ایجازه وئر ائوه گئدیب ساریمساق و تورشی گتیریم اونونله یئه.

جاناوار راضی اولوب، دئدی:

- دوز دئیرسن، من اوزوم ده ائشیتیمیش کی، گئچی اتینی تورشلا خورشلا، ساریمساقلا ییئه رلر... یاخشی کی، بونی یادیم سالدین! دی گئچیکمه، گئت، تئز تورشو، ساریمساق گتیر گل!

جاناوار اوزون قولاغی گوزله دیگی کیمی، گئچینی ده چوخ گوزله دی، آما گئچی قایتمادی، جاناوار غضبیدن دیش لرینی قیجیردی. او، آجلیقدان چوخ آلداندیغی اوچون غضب له نمیشدی. جاناوار هئچ اوزونه سیغیشدیرا بیلیردی کی، گئچی اونی آلدادیب. جاناوار اوز- اوزونو دانلاییردی: بو نه ایش دیر، اوزون قولاق دا منی آلدادی، اوزون قولاق یئکه اولدوغو اوچون اوندان گئچمه ک اولار، سن بیر گئچی یه باخ، بیر بالاجا بویو ایله من بویدا جاناواری آلدادی. عیبی یوخدور، بوندان سونرا گره ک آغیللی اولام، آلدانمیام. جاناوار اوز- اوزونه دانیشا- دانیشا مئشه نی آوارا، آوارا گزیردی. آجلیق اونی طاقتدن سالمیشدی. او، گلیب دنیزین ساحلینه چیخدی. گوردی کی دنیزین یاخینلاغیندا کی گولمه چه ده بیر جامیش اوزانیب دینجه لیر. جاناوار آجلیق- آجلیق دئدی:

- آی جامیش، اولومونو گوزونون قاباقینا گتیر، ایندیجه سنی ییئه جگم. جاناوار دیش لرینی قیجیردادا- قیجیردادا جامیشین اوستونه توللانماغا حاضیرلاشدی. جامیش باشینی تنبل- تنبل بیرغالایب، دئدی:



- هم. مم. مم. من ائله بیلیردیم کی سن آغیللی حیوانسان، آنجاق ایندی باشا دوشدوم کی، هئچ سندن آخماق حیوان یوخ ایمیش. بوش- بوشینا نییه آتیلیب دوشورسن، های- کوی سالیرسان! اونسیز ده سنین دیش لریندن قورتارماق چتیندیر. سن گورموسن کی، من بوتون پالچیقا باتمیشام. یاخشیسی بودور کی دئیئه سن:

آی جامیش، سنی پالچیقی یئمه گه ایگره نیرم، گئت دنیزده چیم، اوزونو تمیزله گل. جاناوار دئدی:

هه، دوز دئیرسن، گئت دنیزده چیم، پالچیفینی تمیزله، آما دنیزده چوخ قالمها، من لاپ آجام!

جامیش جاناوارین آخماقلیغینی گوروب دئدی:

- هئج ناراحت اولما، سن بورادا گوزله، من دنیزه گیریب پالچیفیمی یویوب گلیرم.
جامیش دنیزه طرف گوتورولدی، جاناوار ایسه، دنیزین ساحلینده اوتوروب گوزله بیردی.
جامیش اوزه- اوزه اوزاقلاشدی. جاناوار جامیشا باخیب حیرصلی- حیرصلی قیشقیردی:
- بسدیر، چیمدین، داها تمیزسن، چیخ قیراغا، بیلیمیرسن کی سنی بورادا گوزله بیرم؟
جامیش اوزه- اوزه جواب وئردی:

- هه، عزیزیم، گوزله، ایسته دیگین قده ر گوزله! سنین کیمی آخماق منی یئیه بیلمز.
جاناوار حیرصیندن لاپ آغلینی ایتیردی. گوردوکی بو دفعه ده اووی الیندن بوراخی.
- قاییت- قاییت! دئییه، جاناوار ساحیلده اوطرف بو طرفه قاچیر، هر دفعه لپه ساحيله
دگدیکجه یوخاری توللانیردی.

- بونه دیر، سن دوغرودان سودان چیخمایاجاقسان؟

جامیش جاناواری اله سالراق دئدی:

- یوخ اششی!، ظرافت ائدیره م، سنین له بیر آز اویناماق ایستیره م.

جاناوار گوردوکی جامیش اونون دئیگیینه باخمایاجاقدیر، اوندان ال چکیب، گئتدی. جاناوار
هم یورولموشدو هم ده آجیدی. آیاقلارینی گوج له چکیردی... اوزونو بیر تهه ر مئشه یه
سالیب، اوتون اوستونه اوزاندی. او بیر آز دینجه لدی، سونرا اوزونه گلدی، گوردوکی،
تارلادا بیر آت اوتلاییر.

- هه، عزیزیم، سن داها منیم الیمدن قورتارا بیلمزسن!... دئییه، جاناوار اولان- قالان قووه
سینی توپلاییب آتا طرف توللاندى.

ات یالوارماغا باشلادی:

